



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ivdex Magistratvs Senator

Zype, Franciscus van der

Antverpiæ, 1633

Cap. XII. Dolum an belli iustitia permittat?

urn:nbn:de:hbz:466:1-14280

magis, quām manu profligauit tantā gloriā, vt antiquorum Ducum nemini cedat. dies vñus non sufficiat ijs commemorandis, quorum precibus aduersarij, antē inuicti longeque potentiores, cederunt. vtinam persuaderi posset omnibus Principibus, vt spem suam in Deum solum referrent, non in auxilia duntaxat humana, non in media per Dei leges verita, qui nec fruſtrā inuocatur, nec irritatur gratis.

C A P V T XII.

Dolum an belli iustitia permittat?

1. *An dolus in bello iustum medium?* **N**ihil homo iustus, inquit Augustinus relatus in c. dominus 23. queſt. 2. præcipue cogitare debet in his rebus, niſi vt iustum bellum ſuſcipiat, cui bellare fas eſt. Cū autem iustum bellum ſuſcepereſit, vtrum apertā pugnā, vtrum inſidijs vincat, nihil ad iuſtitiam intereſt. Veteres, inquit Vlp. l. 1. D. de dol. dolum etiam bonum dicebant, & pro ſolertia hoc nomen accipiebant, maximē ſi aduersus hōstem, latronem vē quis machinetur. nec quicquam frequentius apud omnes gentes in bellicis meditationibus, quām aliud ſimilare, facere aliud. ea ſtrategemata militaria ſunt, ea gloria Ducum, induſtriā quām ſanguine magis viciſſe. furta Ducum dicuntur. Melior eſt mihi dux qui vicit oriam veluti ſuffuratur, quām qui veretur ne per furtum vincat. Gloriari ſolebat Tiberius plura ſe conſilio quām viribus perfeciffe; quippe conſilio non minus, quām gladio ſuperare eſt Imperatoris. Cæſ. bell. ciu. lib. 1. quare nimis ſuperbum eſt illud Alexandri apud Curt. lib. 4. Latrunculorum, inquit, & furum illa ſolertia eſt, quam præcipis mihi, quippe illorum votum vnicum eſt fallere: mea verò gloria ſemper aut absentiam Darij, aut anguiſias locorum, aut furtum noctis obſtare non patiar. palam luce aggredi certum eſt. malo me fortune peneſeat, quām vicit oriae pudeat. Ab eſſe tamen dolum verborum oportet. malus eſt & Principibus indignus, ſi quid contrahant, aut promittant. mendacium multo maximē. Legati, inquit Liuius, l. 42. ex Gracia reuerſi Q. Martius, & A. Attilius nullā alia re magis gloriantur, quām decepto per inducias, & ſpem pacis Rege. que magna pars Senatus probabat, ſed veteres moris antiqui memores, nouam iſtam ſapientiam improbabant, nec aſtu magis, quām verā virtute bella geſſiſſe maiores. Extra contractum ambiguis verbis ſi decipientur hostes, nihil iniuſti ha-
bet. vt Ventidij apud Dion. l. 49. sermonem facientis apud explo-
ratores, quaſi eā parte irrupturus, quā minimē agitabat, & ob
quem

quem illi apparatum aliò transtulerint. In his omnibus dolus
deum bonus quem probant homines, non modò usurpant: ut
concludit Gentil. lib. 2. de iur. bel. Ita decipere pro moribus tempo-
rum prudentia est. Plin.

C A P V T XIII.

An si festis diebus pugnetur?

Sed neque diebus festis, si vocat occasio, bello abstinetur. quare
Nicolaus Papa in cap. si nulla. 23. quest. 8. Si nulla, inquit, vrget ne-
cessitas non solum in quadragesimali tempore, sed omni est à prælijs absti-
nendum: si autem ineuitabilis vrget importunitas, nullo tempore
belli præparationi est parcendum. sic notarunt Gloss. & Panormit.
cap. 1. de treuga & pace. quod certis anni temporibus bello iubet
abstinere, vnu non esse receptum. non quia seruile opus sit, cùm
Reges, Principes, Magnates, Nobiles ei maximè vacent, imò ser-
ui militare vctentur, l. 8. *D. de re milit.* sed quia ea tempora, quæ
dict. cap. designat, mysterijs fidei nostræ recolendis, à quibus mi-
litia auocat, specialius instituta sunt; quorum meditatione ad pa-
cem Christiani Principes reuocari possint. quam ob rem Alexander III.
in dict. cap. 1. tam serio Episcopis omnibus iniungit, vt
mutuo consilio, & auxilio, absque villo amore vel odio paci conciliandæ incutmbant, adeò vt si quis in hoc opere trepidus inuentus
fuerit, damnum propriæ dignitatis incurrat. iterum in eum qui
treugam frangere præsumperit, suus Episcopus sententiam ex-
communicationis dictet. Rigidæ pœnæ sunt, sed quas ad publicam
salutem direxit Alexander. Nullus Canon, sed neque Extraua-
gans *Constitut. 54. Leonis,* vt dominicis diebus omnes ab operibus vacent. tam
rigida est in exercentes opera seruilia, diebus festiuis. quæ etiam
necessitas aliqualis & opportunitas multum excusat, vt pescandi
occasio. *cap. licet. x. de ferijs.* quæ non semper se offert. Et sane si
proprius Alexandri constitutio seruata fuisset, sperari posset succel-
lus frequentior finis. At quantum ab Alexandro absunt illi infula-
ti, qui non tantum paci conciliandæ non incumbunt, sed ventila-
bra sunt bellorum, etiam illorum, quibus tot infulae excutiuntur,
tot locis Religio Orthodoxa æternum proscribitur.

C A